



# Story Power - Tlisa maatla a leinane gae

Go buisa le go anela mmogo mainane le bana mo botshelong jwa gago ke nngwe ya dimpho tse di nang le maatla thata tse o ka ba neelang tsone. Mainane a re a utlwang le go a buisa jaaka bana a thusa go re bopa. Mme go na le dipelo tse dingwe tse dintsi tsa go itumelela mainane mmogo le bana.

## DIPOELO TSE 15 TSA BOTLHOKWA TSA MAINANE

1. Go itumelela mainane mmogo go re thusa go nna ngatana e le nngwe le bana ba rona. Go dira gore ba itse gore re akanya gore ba botlhokwa thata moo e bileng re dirang nako ya go anela le go buisa mainane le bona.
2. Mainane a thusa go aga kakanyo le boitlhamedi.
3. Mainane a thusa go tswetsa puo le bokgoni jwa go nagana jwa bana, segolo bogolo fa ba utlwa kgotsa ba a buisa ka dipuo tsa bona tsa fa gae.
4. Mainane a tlamela bana ka dikai tsa gore batho ba kopana jang le dikgwetlho tse ba lebaganeng le tsone.

## RE ANELE LEINANE LA GAGO

Dibuka le mainane a bopile botshelo jwa gago le matshelo a bana ba gago jang? A di go thusitse go tlhalosetsa ngwana wa gago seemo se se seng bonolo? Kgotsa a go lemoga leinane le le rategang go rotloeditse bana ba gago go buisa le go thusa go tokafatsa puo ya bona kwa sekolong? Re bolelele mo Facebook ([www.facebook.com/nalibaliSA](http://www.facebook.com/nalibaliSA)) kgotsa Twitter ([www.twitter.com/nalibaliSA](http://www.twitter.com/nalibaliSA)) o dirisa hashtag #StoryPower mme re ka tlhagisa gore mainane a nnile jang le tlhotlhetso mo botshelong jwa gago mo karolong ya tlaletso e e ka ga go buisetsa boitumelo kgotsa mo websaeteng ya rona.



SABC  
EDUCATION 

T: +27 (21) 448 6000

E: [info@nalibali.org](mailto:info@nalibali.org)

[www.nalibali.org](http://www.nalibali.org)

[www.nalibali.mobi](http://www.nalibali.mobi)

[nalibaliSA](https://www.facebook.com/nalibaliSA)

[@nalibaliSA](https://twitter.com/nalibaliSA)

[@nalibaliSA](https://www.instagram.com/nalibaliSA)



5. Bana ba ba itumelelang go buisediwa kwa gae, ba nna le tšhono e ntsi ya gore ba ka rotloetsega go ipuisetsa. Fa bana ba na le thotloetso, ba ithuta bonolo thata.

6. Fa bana ba tshwara dingwaga tse pedi, ba tla bo ba ithutile 75% ya se ba tla se ithutang mo botshelong jwa bona. Ka jalo, gore a lesea la gago le natha le go tlhafuna buka kgotsa ngwana wa gago yo o ithutang go tsamaya o batla gore o mo anel leinane le le lengwe gangwe le gape, fa o buisa le go anela mainane, bana ba gago ba nna le kitso ya botlhokwa ka puo le mainane, sengwe se gape se tla ba tswelang mosola moragonyana.



7. Go buisetsa kwa godimo le bana go itsege jaaka tiro e le nngwe e e botlhokwa thata ya go aga kitso le bokgoni jo ba tla feleletsang ba bo tlhoka fa ba ithuta go buisa.

8. Metsotso e le 15 fela ya go buisetsa bana ba gago letsatsi le letsatsi e ka dira gore ba itemogele mafoko a a kwadilweng a le milione ka ngwaga!

9. Kanelo ya mainane le puo ya one e dira gore bana ba itemogele mokgwa o o kgethegileng wa puo e e humileng le e e raraaneng. E oketsa kitso ya bone ya puo le gore re e dirisa jang, e bile e ba neela mekgwa e mentšha ya go tlhagisa maikutlo a bone.

10. Dipatlisiso di supa gore bana ba buisediwang fa gae pele ba simolola sekolo, ba na le tšhono e ntsi ya go atlega kwa sekolong.

11. Bana ba nna le kgonagalo e ntsi ya go tswelera go nna babuisi kwa malapeng a mo go one go tsewang dibuka le go buisa jaaka sengwe se se nang le boleng.

12. Bana ba ba anelwang le go buisediwa mainane ke ba ntlha go bopa dikgopolo tse ba gopolang ka tsone mo dirutweng tse di farologaneng kwa sekolong. Ka mafoko a mangwe, go buisediwa go dira gore o nne botlhalenyana thata!

13. Bana ba ba buisang thata go na le go lebelela thelebišene, ba ka tsepamisa mogopolo ka lobaka lo lo leele.

14. Batsadi le batlhokomedi ba ba dumelang gore go buisa ke sengwe se o se dirang go ithabisa ba na le bana ba ba nang le dintlhatebo tse di siameng ka ga go buisa go feta batsadi ba ba akanyang fela gore go buisa ke setlhopha sa bokgoni.

15. Fa mainane le go buisa go utlwala sentle mo baneng, bana ba nna babuisi. Rotlhe re boeletsa dilo tse di re itumedisang.

**SABC**  
**EDUCATION**



T: +27 (21) 448 6000

E: info@nalibali.org

[www.nalibali.org](http://www.nalibali.org)

[www.nalibali.mobi](http://www.nalibali.mobi)

[nalibaliSA](https://www.facebook.com/nalibaliSA)

[@nalibaliSA](https://www.instagram.com/nalibaliSA)

[@nalibaliSA](https://www.instagram.com/nalibaliSA)

